


www.BibleForChildren.org


मत्ती १



एलीसीबा भारीस हवली तेरो छटवो महनो चाल रहलो, ती भगवान,
सरग वाळा काहवाळ्या जीबूरायल काजे गलील जीलान नासरत नावेन
एक सहर मां एक कुवारली पुरे भीणी मकल्यु। तीनी कुवारली पुरेन
नाव मरीयम हतलो, ने तेरी मांगणी युसुफ नावेन एक जुवान पुर्या
साते हय रवली। चु युसुफ राजा दावुदेन अवल्यात मायन हतलु।



ती सरग वाळु काहवाळ्यु तीनीक कह्यु, "मरीयम,
बीहे मां, काहाकी भगवानेन गीण-दया तारे पर
छे। देख, तु भारीस हवसी ने तारु एक पुर्यु
हवसे ने तु तेरो नाव ईसु पाड्जी। चु बेसकु
मटु कहवायसे, ने चु आखान डाहला
भगवानेन पुर्यु कहवायसे। मालीक
भगवान तीनाक आडा-बुडा राजा
दावुदेन राजगादी आपसे। ने चु याकुबेन
आखी अवल्यात पर जलम लग राज करसे,
ने तेरो राज कदी नी सरे।"



मरीयम सरग वाळा काहवाळ्या काजे कह्यी,
“मारो ते अदमी साते सोवसार नी ह्यो, ती तार
साहरे कहली वात कसी पुरी हवसे?” सरग
वाळु काहवाळ्यु जपाप आप्यु, “तारे पर
चुखली-आत्मा उतरसे, ने तार पर आखा
सी डाहला भगवानेन जुरभर्यु
साहळु पडसे। तेरेमां चु
पयदा हवणे वाळु चुखलु
पुर्यु, भगवानेन पुर्यु
कहवायसे।”




तीनु दाहडाम मरीयम तीयार ह्यून यहुदीया जीलान
बयडाम वसण्या, एक सहर भीणी मामार गुय, ने ची
जकर्यान घर मां जायून एलीसीबा काजे "वारु छे की?"
कह्यो। ने ज सामळतेत
एलीसीबान पेट मायन पुर्यो
खुस ह्यून उछळी पड्यो, ने
एलीसीबान चुखला-आत्मा
सी भरायली हतली। ने
एलीसीबा मरीयम काजे जुर
सी आयडीन कह्यो, "तु
आखा बायराम सी बेसकी
वारु छे ने तारा पेटे मायन
फळ बी बरकतवाळो छे।"



ईसु मसी असु पयदा ह्यु की तत्यार तेरी माय मरीयमेन मांगणी युसुफ
साते ह्य गुयली, ने तींद्रे
भेळा हवणेन सी पेहलुत
चुखली-आत्मा सी भारीस हतली।
तत्यार तेरु अदमी युसुफ चु धरमी
हतलु, ने तीनी काजे
नाव-बद्दी करने नी
चाहतेलु, तीनीक कळेत
छुडनेन वीच्यार करने
बाजी गुयलु।




जत्यार चु हीनी वातेन वीच्यार मां पड रव्लु ती मालीक भगवानेन
सरग वाळु काहवाळ्यु तीना काजे सपनाम देखायन कहवणे लाग्यु, "ए
युसुफ! दावुदेन अवल्यात, तु बायर मरीयम काजे
तारेन चां लावणे सी मां बीहे, काहाकी ज तेरा पेट
मां छे, च चुखली-आत्मान भीणी सी छे।
तेरु एक पुर्यु हवसे ने तु हेरो नाव ईसु पाडजी,
काहाकी ह्यु आखा माणसेन तींद्रा
पाप सी छुटकारु आपसे।"



तत्पार युसुफ नीद मां सी जागीन मालीक सरग वाळा काहवाळ्यान
हुकुम सामळीन तेरी बायर काजे ली आयु, ने जत्पार लग पुर्यु पयदा
नी ह्यु तत्पार लग युसुफ तेरे धडे नी गुयु,
ने चु तेरो नाव ईसु पाड्यु।




तीनु दाहडाम रोमी राजा ओगस्तुस केसर एक असु राज हुकुम
नीकाळ्यु, की ए मारा राजेन आखा कळीन माणसे! तुहं मारा सरकारी
किताप मां आपणो नाव
लिखाडने करीन आपणा-आपणा
सहर मां जावु। आखा
माणसे नाव
लिखाडने करीन



आपणा-आपणा सहर मां गुया।



बेतलहम सहरेन राजा दावुदेन खानदानीन हतलु। ने युसुफ, जु राजा
दावुदेन अवल्यात मायन हतलु, चु हय नासरत सहरेम रहतेलु। ने युसुफ
गलील जीलान नासरत सहरेम सी
यहुदा जीलान बेतलहम सहर मां
नाव लिखाइने करीन
गुया। ने मरीयम बी
तेरे पुठ्ये चां



नाव लिखाइने
गुय ने तेरी मांगणी
ईना युसुफ साते हय खली, ने
ईनी मरीयमेन पुठ्यो हवणे वाळो हतलो।



जत्यार युसुफ ने मरीयम
बेतलहम सहर मां हतला, ती
मरीयमेन फवरी ह्यणेन टेम
आय लागी।




चां धरम साळाम मां बी तींद्रे वाटे जागा नी जड़ी। ने ची एक दुरेन
वाडा मां जाती रय। मरीयम चां पेहेल मेहेल फवरी हवी, ने तेरु एक
पुर्यु ह्यु, ने ची तीना पुर्या काजे
पुथल्या मां वेलटीन दुरेक चारु
नाखण्या एक गवाण
मां सुवाड देदी।



तीना ईलाकाम राते थुडाक गाडरा-गुवाळ्या बयडे आपसा गाडरान
राखवाळी करने बाजी रवला। भगवानेन्चां सी एक सरग वाळु
काहवाळ्यु तींदरेन्चां आवीन उबु ह्य गुयु,

ने भगवानेन सेक-सींगार, तींदरे

चारेमेर बी
धपणे बाजी
गुयो, ने चे
बीहीन सीयारी
ली लेदा।



बाकुन सरग वाळु काहवाळ्यु तीनुक कह्यु, "बीहु मां; सामळु, मे तुहुं
काजे बेसकी खुसीन एक खुस-खबर सामळावो, जी आखा माणसे
वाटे रवसे। तीना पुर्याक उळखणेन सहलाणी जी
छे, की तुहुं तीनाक पुथल्या मां



वेटळायलु ने
दुरेक चारु
नाखण्या गवाण
मां पड रवलु
देख्सु।" ✨



ने उचकाणुत तीना सरग वाळा काहवाळ्या पुठ्ये सरग वाळा
काहवाळ्यान टुळु असा कहता जायून भगवानेन
गुण गावतेलु देखाय देदु: काहाकी आज तुंदरु

छुडावणे वाळु



दावुदेन सहर बेतलहम
मां, पयदा हवलु छे,
हयुत मालीक ने मसी छे।



“आखाम उचा सरगे मां भगवानेन सेक-सींगार हवे,
ने धरती पर रवण्या तीनु माणसेक सांती जडसे,
तींदरे सी भगवान खुस छे।”



जत्यार सरग वाळा काहवाळ्या पछा सरगे जात रया, ती गुवाळ्या
आंबा-सांबा कह्या, "चालु आपणु बेतलहम सहर जाजे, ने मालीक जी
वात आपणुक कहलु छे, चां देख्सु।" ने चे मामार बेतलहम सहर भीणी
चाल पड़्या, ने चां दुरेन वाडा मां जायून मरीयम ने युसुफ काजे
देख्या, ने पुर्याक गवाण मां सुवाड
रवला देख्या।



जत्यार गाडरान गुवाळ्या ईसुक देख्या, तत्यार चे
गुवाळ्या मरीयम ने युसुफ काजे, पुर्यान बारामां ज
सरग वाळा काहवाळ्या कहला च कय देदा।




जत्यार हेरोदेसेन राजान
राज चाल रहलो, तीनुत
दाहडा मां यहुदीया
जीलान बेलहम गांव मां
ईसु पयदा ह्यु, ती
उगेवणा सी तारा

देखीन रासी देखण्या यरुसलेम सहर मां
आया। ने पुछ्या की, "यहुदी माणसेन पुर्यु
राजु पयदा ह्यु, चु कां छे? काहाकी हामु
उपर उगवणु सी तारु उंगलु देख्या तेरेमां
हामु पुछ रया ने तीना काजे हामु पांये
पडीन आंधणे आवला छे।"



तत्पार हेरोदेस राजु तारा देखीन
रासी देखण्याक कळेंन बुलायन
तीनुक पुछ्यु की तारु तुहंंक
काहनी टेमे देखाव पडलु,
अळतेन चु असो कय्न् तीनुक
बेतलहम सहर मां मकल्यु,
"जावु, तीना पुर्यान बारामां पतु
करु, ने जत्पार जड जाय तत्पार
मेसे खबर करु काहाकी मे बी
आवीन तेरा पाये पडीस।"




ने चे राजान वात काजे मानीन चाल पड्या, ने तीना तारा काजे चे
उंगतेलु देखला चु तारु बी तींद्रे अगळ-अगळ चाल पड्यु, ने चां
पुर्यु हतलु, तीनी जागा पर जायून चु
तारु उबु रय गुयु।



चे तीना घर मां जायून तीना पुर्या काजे हेरी माय मरीयम साते
देख्या, ने उबडा पडीन पुर्या काजे आंध्या, ने आपणा-आपणा थयलाम
सी तीना काजे सनो, लुभान, ने मंहगलो ईत्तर भेट
चडाया। बाकुन भगवान सी सपना मां
असी खबर जडी की, हेरोदेस धडे पछा
घुण जावु, तत्यार चे दीसरे वाट्ये सी
आपसान देस मां
पछा जाती रया।




अळतेन चे तारा देखीन रासी देखण्या
चां सी जाती रया ने पछेन मालीक
भगवानेन सरग वाळु काहवाळ्यु
सपना मां ईसुन बास युसुफ काजे
देखायन कह्यु, "उठ, ईना पुर्या काजे
ने हेरी माय काजे लीन मीसर
देस मां जाती रव; ने जत्यार
लग मे तुसे नी कहं, तत्यार लग
चांहान रवजी; काहाकी हेरोदेस
ईना पुर्या काजे



माराडने करीन हेरसे।"




तत्पार युसुफ उठीन पुर्याक ने हेरी
माय काजे रातेत लीन मीसर देस मां
जाणे करीन चाल पड्यु। ने हेरोदेस
मरने लग चांहान रयु। काहाकी ज बुल
मालीक भगवानेन अघी सी आवणे
वाळी वात बताडन्या माणसेन
साहरे कहलो छे, चो पुरो हवे
की, "मे मारा पुर्या काजे मीसर
देस सी बाहर बुलायु।"



जत्यार हेरोदेस राजा काजे असु पतु
चाल्यु की, तारा देखीन रासी देखण्या
मारे सी धुकु कर्या, तत्यार चु रीस
सी भराय गुयु, ने आपसा माणसे काजे
मकल्यु जसा रासी देखाड्णया जी टेम
देखाड्ला तीनी टेमेन अनसारे बेतलहम ने
तेरे आडे-धडे वाळा आखा जे दुय सालेन

ने तींद्रे
सी
नानला
पुर्या



हतला तीनु काजे माराड देदु।




ने जत्यार हेरोदेस राजु मर गुयु,
तत्यार मालीकेन सरग वाळु
काहवाळ्यु मीसर देस मां युसुफ
काजे सपना मां देखायन कह्यु,
"उठ, पुर्याक ने तेरी माय काजे
लीन ईस्रायेल देस मां पळु
जाती रव, काहाकी चे ईना
पुर्या काजे मारने हींडी
रवला, चे मर गुया।"



बाकुन युसुफ असु सामळ्यु की
अखीलु तेरा बास हेरोदेस
राजान आवजी पर यहुदीया
पर राज कर र्यु, तेरेमां चां
जाणे सी बीही गुयु।




ने तत्प्यारुत सपना मां
भगवानेन हुकुम सामळीन
गलील जीला मां जाती र्यु, ने
नासरत नावेन सहर मां जायून
वसी ज्य, काहाकी च
बुल पुरो
हवे,



ज भगवानेन बुल मालीक
भगवानेन अघी सी आवणे वाळी वात
बताडन्या माणसेन साहरे कहलो हतलो की:
"ईसु नासरी कह्वाय्से।"



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेटे हय गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुड़ी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



ढतुती 1-2; लुकल 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

